


ҚУТЛОВ



Янги йилингиз

қутлуғ бўлсин,

Азиз юрtdошлар!

ИПОТЕКА БАНК

Имқоният ярати

www.ipotekabank.uz

ХИЗОКОВА

Ишчилар манфаати ҳамма нарсадан устун

Фаргона нефтни қайта ишлаш заводи воқеадаги энг йирик санаят корхоналаридан бири ҳисобланади. Бу ерда ишлаб чиқарилаётган 60 турдан зиёд нефть маҳсулотлари республикамиз иқтисодий салоҳиятини мустаҳкамлашда муҳим аҳамият касб этиб келмоқда. Айниқса, яқин топган 2008 йилда корхона жамоаси ишлаб чиқаришнинг барча бўғинларида катта ютуқларни қўлга киритди. Белгилаб қўйилган режалар қўйилганидан зиёд қилиб бажарилиди. Наттижада, заводнинг иқтисодий, моддий-техникавий салоҳияти янада мустаҳкамланди ва бу ўз ўрнида, корхона ишчи-хизматчилари ҳаётига файзу баракот, кўтаринки руҳият олиб кирди.

Юқори малакали мутахассис, ишчан инсон Ҳамроҳон Нобиев бошқараётган кўп минг кишилик мазкур жамоанинг аъло кайфияти, эртанги кунга бўлган ойдан умидлари ва илҳомининг манбаи нимада? Бу ҳақда заводнинг ҳуқуқ бўлими бошлиғи куйидагича мулоҳаза юритади:

— Маълумки, ҳар бир корхона фаолиятининг равнақи ва салоҳияти, меҳнат самарадорлиги энг аввало, иш жараёнининг қанчалик тўғри уюштирилишига, жамоа аҳлининг уюшқоқлиги, меҳнатга тўғри муносабати ҳамда ташаббускорлигига кўп жиҳатдан боғлиқ. Ишчи ўз меҳнатидан завқланса, унинг янада унумлироқ меҳнат қилиши учун етарли шарт-шароитлар яратиб берилса, имкониятлар тобора кулоч ёйиб бораверади.

Бугун "Фаргона нефтни қайта ишлаш заводи"нинг ишчисиман" деган сўз анчайин фахрли. Ҳатто бу ердан нафақага чиқиб кетишган фахрийларимиз ҳам корхона номини ғурур билан тилга олади. Турган гапки, бу жамоамиз фаолиятини оқилона ташкил этилиши, меҳнатга тўғри муносабат ва муносиб рағбат кўрсатилаётганлиги-

нинг нишонасидир. Ҳуқуқ бўлими корхонамиз ҳаётининг барча жабҳаларида — бошқарув ва ишлаб чиқариш масалаларидан тортиб ҳар бир ишчи-ҳодимнинг ҳуқуқий манфаатларини муҳофаза қилиш, ижтимоий, маънавий-маданий устуворлигини ошира бориш, ҳатто меҳнат фахрийларининг турмуш фаровонлигидан хабардор бўлиб туришгача даъват қилинган. Яна энг муҳими, корхона маъмурияти фаолиятини тегишли меъёрий ҳужжатларни тартибга келтириш, дебитор қарздорликларни камайтириб бориш, турли шартномалар ҳамда буйруқлар қонунийлигини таъминлаш, инсон ҳуқуқларини муҳофаза қилиш бўйича цехларда тушунтириш ишларини юритиш асосий вазифаларимиз сирасига қиради. Бўлимимизнинг ўзи каттагина бригадани ташкил этади. Юқорида зикр этилган гоёт маъсулиятли ҳамда олижаноб вазибаларни виждонан ва талаб даражасида бажариб боришдан мамнунимиз. Ўз ўрнида, улар орасидан Сайдулло Узоқов, Шерзод Халилов, Хайрулло Қодиров, Санжар Отажонов каби тажрибали ҳуқуқшунос мутахассисларимиз номини алоҳида

тилга олишни истардим. Корхонамиз жамоаси таркибини асосан ёшлар ташкил этишини ҳамда 2008 йил Ёшлар йили сифатида тарихда муҳрланиб қолганлигини инобатга олиб, жўшқин ҳаёт қозонида қайнаётган мингмиглаб ишчи ёшларимиз фаолиятига ҳам тўхталмоқчиман.

Корхонамизда ёшларни жалб этиш, уларнинг касбунаҳв ўрганишлари ва иш билан таъминлашни йўлга қўйиш ҳамда нефть ва газ мутахассислари тайёрловчи билимгоҳлар билан ҳамкорликни қўллаб-қувватлаш асосий вазифалардан бири ҳисобланади. Мақсаддан келиб чиқиб ҳамда заводда ёш мутахассис кадрлар сафини кенгайтириш учун Фаргона нефть ва газ санаяти касбунаҳв коллежини 2008 йилда тамомлаган 180 нафарга яқин талабалар жамоамизга ишга қабул қилинди.

Шунингдек, ёш мутахассислар мамлакатимиздаги ҳамда хорижий давлатлардаги соҳага оид олий ўқув юртлири ва нефтни қайта ишлаш корхоналарида ўз билим, малака ва кўникмаларини оширмоқдалар. Ишдан ажралмаган ҳолда, соҳа бўйича сиртдан ўқиётган ишчи талабаларнинг шартнома тўловларидан 50 фоизи завод томонидан қопланаётгани мутахассисларга кўрсатилаётган гаҳмўрликнинг яна бир ис-

тидир. Ёш йигит-қизларни иш билан таъминлаш мақсадида қасаначилик фаолияти йўлга қўйилаётганини ҳам алоҳида таъкидлаш ўринли албатта. Бугунги кунда, малакали ёш хунармандлар корхона маъмурияти билан шартнома асосида иш олиб боришмоқда. Қасаначиликнинг 330 нафардан шб

барияти ва қасаба уюшмаси қўмитасининг доимий диққат марказидадир. Болаларни ҳимоя қилиш Халқаро кўни олдидан заводда ўтказилган тадбирда ишчи-хизматчиларнинг 66 нафар ногирон фарзандлари ҳамда кўшни Тошлоқ туманида истиқомат қилувчи кам таъминланган оилаларнинг 65 нафар фарзандларига бир миллион сўмликдан зиёд совғалар тарқатилди. Байрам кўнлари эса Фаргона шаҳридаги "Муруват" уйига 215000 сўм, вилоят Болалар хайрия жамғармаси ҳисобига 600000 сўм пул ўтказиб берилди. Бундай тадбирларни ўтказишда "Камолот"чилар яқиндан кўмак бериб келишмоқда.

"Тонг" болалар оромгоҳи ёшларнинг бўш вақтини мазмунли ўтказиш ва соғломлаштириш ишларини олиб бориш билан бир қаторда, ҳамкасбларимизнинг фарзандлари ёғи таътилинни мароқли ўтказишларида хузурижон маскан ҳисобланади. Жорий йилнинг эида бу ерда "Ўзбекистон маданияти ва санъати форуми" жамғармасининг "Келажак овози" кўрик-танлови қатнашчиларининг ўқув-соғломлаштириш тадбирлари муваффақиятли ташкиллаштирилди. 720 нафар болажон ҳам бу йил мазкур оромгоҳда мириқиб дам олиб қайтидилар. Бундан ташқари, тошлоқлик ижтимоий муҳофазага муҳтож оилалар фарзандларининг дам олишлари учун 4 миллион сўм маблағ сарфланди.

Ёшларни жисмоний тарбия ва спортга жалб қилиш, спорт турлари бўйича мусобақалар қаратилди. Завод раҳбариятининг гаҳмўрлиги билан спортни ишчилар ўртасида янада оммалаштириш ва ёш спортчиларни рағбатлантириш учун мазкур йўна-

лишга биргина шу йилнинг ўзида 100 миллион сўмга яқин маблағ сарфланди. "Нефтчи" маданият саройида ва "Нефтчи" спорт мажмуасида ёшлар учун турли санъат ва спорт тўғрақлари ишлаб турибди.

Ёш ишчи-хизматчиларнинг сиҳат-саломатлигини мустаҳкамлаш мақсадида 600 нафар касбдошларимиз завод томонидан тиббий сўғурта қилинди. Бунинг учун маъмурият 15 миллион сўмдан зиёд маблағ ажратиб берди.

"Ёшлар йили" Давлат дастурининг ижроси бўйича кўшни Тошлоқ туманидаги ўқувчи ёшларга шарт-шароитлар яратишга доир режалар белгилаб бўлиб, унга биноан ногиронлик сабабли ўз уйида таълим олаётган 2 нафар ўқувчи компьютерлар ҳада этилди. Туман ва завод маъмурияти ўртасидаги бундай яқинлик янада мустаҳкамлаб, давом этаверади. Ўтган йилги энг хайрли ишлардан бири сифатида ёш оилаларни моддий ва маънавий қўллаб-қувватлаш, уларнинг маънан бой, жисмонан соғлом авлод бўлиб вояга етишлари учун кўрсатилаётган гаҳмўрликлар ҳамда ёш оилаларнинг уй-жойга бўлган талабини қондириш мақсадида олиб борилган амалий тадбирларни тилга олиш жоиз. Қисқа муддат ичида айнан ёш оилалар учун Фаргона шаҳрида кўп қаватли 48 хонадонли турар-жой биносининг қуриб битказилиши ва тантанали равишда муҳтож оилаларга топширилиши ҳақиқий байрам тусини олди. Худди шунингдек, Олтириқ туманининг Ҳамза шаҳарчасида ҳам ёш оилалар учун 36 хонадонли уй қад ростлади.

Ҳеч кимга сир эмас, ўтган йил вилоятимизда пахта-йилми терими анча қийин кечди. Деҳқонларга ёрдам бериш учун бошланган оммавий сафарбарликда корхона ёшлари, ҳам четда туришма-


ди. Улар вилоят пахта хирмони юксалишига ҳам жонбозлик кўрсатишди. Энг илгор ёшлар ҳамда Фаргона нефть ва газ санаяти касбунаҳв коллежининг 180 нафар талабалари қимматбаҳо совғалар билан рағбатлантирилди.

Маънавий тадбирлар ҳақида гап кетар экан, завод маъмурияти, жамоат ташкилотлари ҳамда "Камолот" ЁИХ ҳамкорлигида қатор маънавий-бадий, маданий-маънавий кечалар, кўрик-танловлар, байрам ва муҳим санаят дастурлари ташкил этилганини айтиб ўтиш жоиз. Жумладан, Юртбошимиз Ислам Каримовнинг "Юксак маънавият — енгилмас куч" асарини мазмун-моҳиятидан келиб чиқиб ҳамда уни ёшлар ўртасида тарғиб қилиш мақсадида ташкил этилган "Адабиёт, сўз санъати — халқ қалби, маънавиятнинг ифодачиси, ҳақиқат, адолат жарчиси" шиори остида ўтган адабий-мусиқий кеча таассуротларга жуда бой бўлди.

Худди шундай давра суҳбатларидан яна бири яқинда завод мажлислар залида Ўзбекистон Олий Мажлиси Қонунчилик палатаси депутати, Мудофаа ва ҳавфсизлик қўмитаси аъзоси Сороҳон Аҳмедова иштирокида бўлиб ўтди. Бу учрашув ҳам ёшларимизда катта таассурот қолдирди.

Ёш ишчиларимизнинг маънавий салоҳиятини, тафаккур дунёсини ошириш ҳамда кенгайтиришга, уларда соғлом турмуш тарзи ва меҳнатга тўғри муносабат фазилатларини шакллантириб, мустаҳкамлаб боришга қаратилган бундай тадбирлар ўйлаيمانки, корхонамизда ҳаммиша ўтказилаверади.

Ойгул ҲАСАНОВА,
Фаргона нефтни қайта ишлаш заводи ҳуқуқ бўлими бошлиғи.



2009

Фаргона нефтни қайта ишлаш заводи жамоаси

бутун республикамиз халқини янги —

2009 йил билан

қизгин табриклайди.

Бахту саодат, хушқайфият, иқбол ва омад барчамизга йўлдош бўлсин.

лиси,
2008
"Ёшлар
қилини
лан 8
да эъ
нали
қайта
га ба
лар ў
от жа
корлик
"Қашқад
да ташк
тик маҳ
лиятини
Самарқанд
бой ва Ург
Қашқадарё
шон, Китоб
манлари газ
журналистлар
Миллий униве
листика факул
Фесор-ўқитил
ри
... атлари,
йналишида ўзи
мактабини яратган
ва таниқли журнал
тироқида "Устоз в
маъзузида давра с
зилди.
Ёшлар тарбияс
масалалар ҳам ук
боридан четда қол

«Гулхан» журнали бош муҳаррири
Ашурали ЖҰРАЕВ:



«Йилни кузатиш осон эмас...»

1. Ўтган 2008 йил ҳаётингизда қандай из қолдирди? Нималарга эришдингиз, орзу-армонлар дегандай...

2. Янги йил оstonасида сизни нималар (юртга, халққа, соҳангизга оид) ўйлантираётган?

3. Келажак яқин йилларда дунёни қандай тасаввур этасиз?

1. Йилни кузатиш осон эмас. Бу берилган умрдан яна бир саҳифаси поёнига етди дегани. Бу саҳифага қандай ютуқ, қандай қувонч ва қандай изтироб, омадсизлик ёзилгани фақат ўзингизгагина аён. Гарчи ўтган йилги ҳаётим ва фаолиятимда жиддий бурилиш содир бўлмаса-да, лекин яхши излар қолди. Қувончли воқеалар рўй берди. Набираларим сафи кўпайди. Дунёда бундан ортқ бахт, қувонч борми? «Саҳифага сизмаган сатрлар» китобим чоп этилди. Китобхонлардан ҳамон илиқ сўзлар, тилаклар эшитаялман. Яхши гап яхши-да.

2. Юртимизда содир бўлаётган улкан ўзгаришларни кўриб ё шу жараёнда иштирок этиб, оёғина бўлса-да, мустақил Ватан равнақиға, ривожига ҳисса қўишининг ўзи бахт. Ўзбекистонимиз чин маънода ҳар йили тараққиётнинг янги-янги босқичларига кўтарилиб бораётганидан хурсандимиз. Лекин ушбу жараёнда инсон қанчалар ўзгармоқда, қанчалар комилликка интиломоқда, деган ҳақиқат савол тугилади. Шундай лаҳзаларда мени кўпроқ одам боласининг бир-бирига бўлган меҳр-муҳаббати, оқибати ва садоқати сусайиб кетаётгани андак ташвишга солиб турибди. Бозор иқтисодиёти даврида бир-биримизга бўлган меҳрни бозорга олиб чиқмайлик. Меҳр сотилса дунёда ўзи нима қолади? Меҳридарё одамни кўёшга қиёслаш мумкин. Меҳрсизлик қандай оғир оқибатларга олиб келади? Меҳрсизлик туйфайли қатор жиноят кўчаларига кираётганларни кўриб, кўюниб турибмиз-ку!

Мен 2009 йилда ҳам меҳр-муҳаббатимиз мустаҳкам ва самимий бўлишини истаيمان. Меҳримиз ишончли, бутун бўлса, ҳар қандай қийинчиликларни мардона енгамиз. Юксак мақсадлар сари дадил одимлаймиз. Ҳамма соҳаларда ютуқларга эришамиз. Мени ўйлантираётган жиддий мавзулардан яна бири ҳақиқат борадиғи тасавуруларимизнинг саёзлиги, бирёқламалиги. Бўлар-бўлмас нарсалардан ҳақиқат талаб қилавериш одат тусига айлиниб бораётган. Ҳақиқат ҳақида тасаввур қилиш ҳақиқат тўғрисида гапириш ҳуқуқини бермайди. «Ҳақиқатни гапирман», деб ҳайқирган одамнинг ҳаммаси ҳам ҳақиқатпарвар бўлавермайди. Ён дафтарчамга шундай деб ёзган эканман: «Ҳақиқатни айтишдан кўрсанг, гапирма. Гапирдингми, унда ҳақиқатни айтишдан қайтма!» Лекин ҳақиқатга ишонини ёки ишонмаслик ҳам ўзимизга боғлиқ. Инсонда энг аввало Виждон уйғоқ бўлсин. Қалблардаги меҳр-муҳаббат кўёши ҳеч қачон сўнмасин.

3. Янги йилда тинчлик либосига бурканган дунёни, иқтисодий бўҳронлар жараёнида бир-бирига меҳр ришталарини боғлаётган дунёни тасаввур қилганман. Илоё, дунёда тинчлик барқарор бўлсин. Яхшилар сафи кўпайсин. Ва бу яхшилар сафининг олдинги қаторида албатта, болажонлар боради. Бу болалар ҳар кун билимлар оламини қўн билан эгаллаётган. Уларга ота-боболари кўрмаган катта имкониятлар яратилмоқда. Президентимизнинг: «Фарзандларимиз биздан кўра кучли, билимли, доно ва албатта бахтли бўлишлари керак», деган эзгу-ниятлари ҳар бир ота-онанинг дилидаги орзуси ва мақсади.

Янги йилда ана шу буюк мақсадларни рўёбга чиқариш йўлида ҳаммамиз фидойи бўлайлик.

ТАЪЛИМ

Ибрат олса арзийдиган маскан

Жиззах педагогика коллежида малакали мутахассислар тайёрлашга алоҳида эътибор қаратилмоқда

Мозийдан аёнки, кучли билим ва тафаккур соҳибларига юрт эртасини обод қила олади. Зотан, халқимиз ҳам азалдан шундай инсонларни улуғлаган, уларга меҳр кўрсатган. Бугун ҳам диёримизнинг келажagini бунёд этувчи дунёқароши кенг, пухта билим ва маҳорат эгаларини тарбиялаш борасида кенг кўламли фаолиятлар амалга оширилмоқда. Айни шу мақсад йўлида ватанимизда мингдан зиёд касб-хунар коллежлари фаолият кўрсатяпти. Касб сир-асрорларидан тўла хабардор бўлиш учун ҳар томонлама қулай шароитлар яратилган ушбу илм масканларида фарзандларимиз камол топишмоқда ва айтиш мумкинки, юрт уларнинг эртасига ишонади.

Ана шундай замонавий илм даргоҳларидан бири Жиззах педагогика коллежи ҳисобланади. Айни пайтда бу ерда 700 нафар талаба таҳсил олишаётган бўлса, уларга 145 нафар тажрибали педагог таълим-тарбия беришмоқда.

— Ўқув юртимизда аниқ ва табиий фанлар, хорижий тиллар, ижтимоий фанлар, педагогика ва психология, жисмоний тарбия ва спорт, тасвирий санъат ва меҳнат, мусиқа йўналишлари мавжуд, — дейди коллеж директори Мавжуда Алиева. — Албатта, давр талабларидан келиб чиққан ҳолда энг замонавий ўқитиш усулларидан фойдаланган ҳолда малакали кадрлар тайёрлашга ҳаракат қилмоқдамиз.

Ўқувчига янгилик керак

Сир эмаски, бугунги ўқувчи эски усуллардаги узундан-узоқ маърузаларни қабул қила олмайди. Ҳар лаҳзада янгиликлар билан бораётган даврда ёшларга таълим бериш жараёнида ҳам фан-техниканинг энг сўнги ютуқларидан фойдаланиш самаралидир. Биз фаолияти билан танишаётган коллежда ҳам педагогиканинг илғор тажрибаларидан

фойдаланилар экан.

— Тафаккур ўсиб бораётган ҳозирги ўқувчига «алмисоқдан қолган» усулларда сабоқ бериш «кар одамнинг қулоғига азон айтиш» билан баробардир. Айтмоқчи бўлганим, бугунги ўқувчига янгилик керак, — дейди хорижий тиллар кафедраси ўқитувчиси Шохиста Маҳмудова бизнинг мулоҳазаларимизни тасдиқлагандай. — Шу боис биз ўқитишнинг «Семинар-тренинг», «Мусобақа», «Концерт» каби усуллари ва электрон дарсликлардан кенг фойдаланиб таълим жараёни олиб бормоқдамиз. Хорижий тиллар кафедраси ҳам ҳар бир машғулоти янги услубларда олиб бормоқда. «Ақлий ҳужум», «Кластер», «Кубиклар» каби ўйин-дарс услублари илмий маълумотларнинг ўқувчиларга қизиқарли тарзда етказилишига ёрдам беради.


Маънавият — эзгулик пойдевори

Коллежда маънавий-маърифий тадбирларнинг давомийлигига алоҳида

аҳамият берилади. Талабалар миллий қадриятларимизни кадрлаш руҳида, Ватанга муҳаббат, масъулият ва бурч туйғуларини онгли равишда ҳис қилган ҳолда камол топишмоқда. «Ватан фарзандлари», «Гиёҳвандлик умр заволи» ва «Маърифатли юрт фарзандларимиз» каби илмий анжуман ва кўрик-танловлар ҳам талабаларнинг маънавий дунёқарашларини янада бойиши учун хизмат қилиши шубҳасиз.

Ўқув масканидаги озодлик, тартиб-интизом эса ҳар бир кишининг бахри дилини очиши шубҳасиз. Шу билан бирга, барча замонавий ўқув воситалари билан жиҳозланган хоналарда таҳсил олаётган ёшларга беихтиёр ҳавасингиз ортади.

Норкул МАЪМУР,
«Hurriyat» муҳбири. ®



“ЎЗБЕКИСТОН ТЕМИР ЙЎЛЛАРИ”

давлат акциядорлик компанияси жамоаси




матлақатимиз аҳолисини

Янги — 2009 йил билан

гин юракдан табриклайди. Юртимизда

Қишлоқ тараққиёти ва фаровонлиги йили деб эълон қилинган қишқ йил ҳам фойдали ва баракали келсин.

Ҳар бир хонадонга шоду хуррамлик, бахтиқ иқбол ёр бўлсин. Дастурхонларимиздан эса қўн-баракат ариласин. Остониимиз нусаффо, юртиимиз тинч, Ватанимиз янада гўлаб-яшнайверсин.



“Муборакнефтегазтранс”

очиқ турдаги ҳиссадорлик жамияти
жамоаси

мамлакатимиз халқини
Янги йил айёми билан
чин дилдан қутлайди.

**Қишлоқ
тараққиёти ва
фаровонлиги
йили**

деб номланган
2009 йил барчага
ТИНЧЛИК,
фаровонлик,
бахт-саодат,
сиҳат-
саломатлик бахш
этсин. Янги
зафарлар,
муваффақиятлар
йили бўлсин!



**Пешку туман
давлат солиқ
инспекцияси
жамоаси**

юртдошларимизни

Янги — 2009 йил

билан

чин юракдан
табриклайди.

Барчага бахт, омад,
оилавий тинчлик-
хотиржамлик ҳамроҳ
бўлсин. Ушбу йилда ҳам
барча эзгу ниятларингиз
амалга ошишига
тилакдошимиз.

2009



Хоразм вилояти,
Хазорасп туманидаги

“ГОФУР РУҲИЯ”

фермер хўжалиги аҳли

Янги йил байрами билан барча
юртдошларимизни, заҳматкаш
деҳқону фермер хўжалиги
агаларини самимий табриклайди.

2009 ЙИЛ

Сизларга бахт-саодат,
муваффақиятлар олиб келсин.

**Урганч нефть ва газ
саноати касб-хунар
коллежи жамоаси**

ватандошларимизни Янги йил
билан самимий табриклайди.

2009 йилда аввало барчага
сиҳат-саломатлик, тинчлик-
хотиржамлик, омад,
фаровонлик тилаймиз.


Ҳеч кимдан кам бўлмаган, кам
бўлмайдиган, келажагимизнинг
давомчилари бўлмиш
ёшларимизга эса бахту иқбол
қуёши ҳамيشа кулиб турсин.





АТБ «ПАХТА БАНК»

ЖАМОАСИ



*юртимиз
аҳлини, барча
акциядорлари ва
мижозларини
Унги йил билан
табриклайди.*

Мамлакатимизда 2009 йилни Қишлоқ тараққиёти ва фарвонлиги йили деб эълон қилиниши муносабати билан барча тадбиркор ва ишбилармонларни ҳамкорликка таклиф этади. Айниқса, қишлоқ жойларда тадбиркорликни ривожлантиришга ва аҳоли турмуш даражасини янада оширишга ҳамда янги иш ўринларини ташкил этишга қаратилган лойиҳаларни молиявий қўллаб-қувватлаш мақсадида «Пахта Банк»

Қишлоқ хўжалиги ва чорвачилик маҳсулотларини чуқур қайта ишлашга мўлжалланган инвестицион лойиҳалар

ТАНЛОВНИ ЭЪЛОН ҚИЛАДИ.

Танловнинг асосий шартлари:

1. Лойиҳа мақсади:
— Қишлоқ хўжалиги маҳсулотлари, шу жумладан мева-сабзавот ва полиз маҳсулотларини тўлиқ қайта ишлаш;
— Чорвачилик маҳсулотлари, шу жумладан суг ва гўштни қайта ишлаш.
2. Лойиҳа қиймати — мижоз буюртмаси асосида.
3. Лойиҳани молиялаштиришга ажратилган кредитнинг миқдори 500 миллион сўмгача.

4. Ташаббускорнинг лойиҳадаги улуши лойиҳа қийматининг 25 фоизидан кам бўлмаслиги лозим.
5. Кредит таъминоти кредит миқдорининг 120 фоизидан кам бўлмаган ҳолда, лойиҳа асосида сотиб олинган технологик ускуна таъминот сифатида қийматининг 70 фоизи миқдори гача қабул қилинади.
6. Лойиҳанинг қолаш муддати 5 йилдан ошмаслиги ҳамда замонавий технологик ускуналарга асосланган бўлиши лозим.

Қуйидаги жиҳатларга эга бўлган инвестиция лойиҳалари алоҳида устуворликка эга:

- Экспортга маҳсулот ишлаб чиқаришга йўналтирилган, замонавий ва мослашувчан минитехнологияларга асосланган лойиҳалар;
- Энг арзон маҳсулот таннархига эга

бўлган лойиҳалар;

- Лойиҳа ташаббускорининг ушбу соҳада юқори малакага эгаллиги;
- Қилинган инвестицияга нисбатан яратилган иш ўринлар сони юқори бўлган лойиҳалар.

Танловда иштирок этиш учун «Пахта Банк»нинг барча филиалларига қуйидаги ҳужжатларни тақдим этиш талаб этилади:

- Танловда иштирок этиш учун ариза;
- Корхонанинг таъсис ҳужжатлари ва молиявий ҳисоботлари;
- Лойиҳанинг мақсади, стратегияси, технологик ускуна, хомашё базаси, лойиҳа ташаббускорининг мавжуд имкониятлари ҳамда рақобатчилардан устуворлик тарафлари, маркетинг тадқиқотлари кўрсатилган Техник иқтисодий асос;
- Кредит таъминоти тақлиф этилади-ган мол-мулклар тўғрисида маълумот.

Танлов шартларига тўлиқ жавоб берган лойиҳаларга «Пахта Банк» томонидан имтиёзли фоизалар асосида кредитлар ажратилади.

Танловда иштирок этиш учун аризалар «Пахта Банк»нинг барча ҳудудий филиаллари томонидан қабул қилинади.

Мурожаат учун телефон рақамлари:
(+99871)
150-85-23,
150-53-57.



Хориж инвестицияси модернизациялашга қаратилмоқда

буни ТИФ Миллий банки Андижон бўлими фаолияти мисолида кўриш мумкин



банк фаолияти мисолида ҳам буни яққол кўриш мумкин.

Корхоналарни модернизациялаш, яъни замонавий, жаҳон андозалари талабларига жавоб берадиган жиҳозлар билан таъминлаш давр талабидир. Мазкур вазифани амалга оширишда молиявий муассасаларнинг ҳам алоҳида ўрни бор. Ташқи иқтисодий фаолият Миллий



га ҳам катта миқдорда валюта олиб келинмоқда.

Банк бўлими нафақат тўқимачилик соҳасига, балки халқ хўжалигининг бошқа тармоқларига ҳам хориж сармоясини ажратмоқда. Хусусан, "Тошруҳ" хусусий корхонаси

га шифер ишлаб чиқариш учун Хитой Тараққиёт банки маблағларидан 125 минг АҚШ доллари, "Навигул"

кўшма корхонасига эса мевани қайта ишлаш ва спиртли ичимликлар тайёрлаш мақсадида 100700 АҚШ доллари миқдорда узок муддатга мўлжалланган кредитлар ажратишни режалаштирган. Шу билан бирга, банк кредитлари халқ хўжалиги учун зарур бўлган товарлар ишлаб чиқаришга ҳам йўналтирилмоқда.

Масалан, "Андижон ун" кўшма корхонасига полиэтилен қоплар тайёрлаш учун 300 миллион сўм ажратилган эди. Айни пайтда бу ерда ишлаб чиқарилган маҳсулотлар вилоятдаги ички бозорни қондириб қолмасдан, унинг бир қисми четга экспорт ҳам қилинмоқда.

"VISUS" кўз касалликлари шифохонасига берилган 23

кредитлари эвазига жами 1035 та иш ўрни яратилди.

Молиявий муассаса аҳолини қиш мавсумида ҳам ёз ноз-неъматлари билан таъминлашга ҳам муносиб улуш қўшмоқда. Хукуматимизнинг қарорига кўра, замонавий иссиқхоналар қуришни хоҳлаган еттига фермер хўжалигида 126 миллион сўм миқдорда кредит ажратилди. Айни пайтда ушбу фермер хўжаликларида помидор, бодринг ва бошқа сабзавот маҳсулотлари етиштириляпти.

Шунингдек, мамлакатимиз Президентининг "Шахсий ёрдамчи, деҳқон ва фермер хўжаликларида чорва молларни кўпайтиришни рағбатлантириш чора-тадбирлари тўғрисида"ги қарорига кўра ҳам муайян ишлар амалга оширилди. Утган давр мобайнида банк ўз маблағлари хисобидан 614,11 миллион сўм, меҳнат бандлиги жағфармасидан 39 миллион



сўм маблағ ажратиб, кам таъминланган оилаларнинг яшаш шароитини яхшилаш мақсадида соғин сигир олиб берди. Натижада ўнлаб оилаларнинг хонадонига барак кирди.

Молиявий муассаса юрти-

миз аҳолисининг фаровонлигини оширишга ҳам муносиб улуш қўшиб келмоқда. Бу борада Юртбошимиз томонидан қабул қилинган фармонлар ва ҳукумат қарорлари дастуриламал вазифасини ўтамоқда. Масалан, мамлакатимиз раҳбарининг "Ёш оилаларни моддий ва маънавий қўллаб-қувватлашга доир қўшимча чора-тадбирлар тўғрисида"ги Фармонида мувофиқ, уй-жойга муҳтож ёш оилаларга кредитлар ажратилляпти. Хусусан, ўтган йилнинг январь-сентябрь ойларида жами 607,4 миллион сўм миқдорда кредит маблағлари берилган бўлиб, унинг 490 миллион сўми ипотека, 40 миллион сўми истеъмол, 78,1 миллион сўми эса ёш оилаларнинг тадбиркорлик билан шуғулланиши учун микрокредитлар хисобланади. Натижада ўнлаб оилалар уйли бўлишди, айримлари ўзларига зарур бўлган буюмларни харид қилишди.

Аҳолининг бўш пул маблағларини омонатларга жалб этиш борасида ҳам бир қатор ижобий ишлар амалга оширилмоқда, — дейди банк бўлими бошқарувчиси Гафуржон Абдурахмонов. — Фуқароларимизга ҳар томонлама манфаатли омонатлар жорий этилаётганлиги боис уларнинг банкга бўлган қизиқиши ошиб бормоқда. Хусусан, ўтган йилнинг тўққиз ойи мобайнида омонатларга 5263 миллион сўм қўйилди. Шунингдек, банкнинг пластик карточкалари ҳам аҳоли томонидан мамнуният билан қабул қилиляпти. Шу кунгача 63411 дона пластик карточка чиқарилган бўлиб, улар эгаларига ҳар томонлама қулайлик туғдирмоқда. Масалан, пластик карточка соҳиби бўлган киши иш ҳақи ёки бошқа пулларини исталган пайтда тер-

миналлар орқали олиши мумкин. Шу билан бирга, савдо дўконлари ва хизмат кўрсатиш шохобчаларида фуқаролар пластик карточкалар орқали тўловларни амалга оширишмоқда. Бу борадаги фаолиятимизда Вазирлар Маҳкамасининг "Пластик карточкалар асосида ҳисоб-китоб қилиш тизимини янада ривожлантириш чора-тадбирлари тўғрисида"ги қарори дастуриламал вазифасини ўтамоқда.

Молиявий муассаса фаолиятини тобора такомиллаштириб, аҳолига яратилаётган қулайликларни кўпайтириб бормоқда. Хусусан, мавжуд пул ўтказгич тизимлари орқали дунёнинг исталган жойига пул юбориш ёки пул олиш мумкин. Бундай имкониятдан фуқаролар мамнуният билан фойдаланишляпти. Айни пайтда банкда "Контакт", "Быстрая почта", "Анелик", "Азия Экспресс", "Мигом" ва "Вестерн юнион" каби халқаро пул ўтказиш тизимлари фаолияти йўлга қўйилган.



Бир сўз билан айтганда, банк хизматидан миждозлар мамнун. Шу боис ҳам уларнинг сони кўпайиб бормоқда. Жамоа "Мижоз банк учун эмас, банк мижоз учун" тамойили асосида иш юритаётганлиги боис ҳам аҳолида унга бўлган ишонч ортиб бораёпти.

Энг муҳими, банк жамоаси қўлга киритилган ютуқлар билан чегараланиб қолмасдан, янги муваффақиятларга эришишни ўз олдига мақсад қилиб қўйган. Буни ходимларнинг саъй-ҳаракати, ислохотларнинг изчил амалга оширилаётганлигида ҳам кўриш мумкин. Биз молиявий муассаса фаолияти билан батафсил танишиб, ундан қониқиш ҳосил қилдик.

Ҳосил КАРИМОВ

абоскан туманидаги "Татекстиль" Ўзбекистон-Япония қўшма корхонаси-ан йилнинг апрель ойи-ишқи иқтисодий фаолиятини кўриш мумкин. Андижон бўлими орқали Хитой Тарққиёт банкининг кредит-сидан 3 миллион 718 АҚШ доллари миқдоридан маблағ ажратилгач, хориждан замонавий дастгоҳлар олиб келиб ўрнатилди. Корхона бутунлай модерни-зация қилинди. Ҳозир бу ерда 302 нафар хотин-қиз иш билан таъминланган бўлиб, жамоа аъзолари яратилган шарт-шароитдан миннатдор. Лойиҳага кўра, ишлаб чиқарилган маҳсулотнинг асосий қисмини четга экспорт қилиш кўзда тутилган бўлиб, ҳозиргача хорижга 100 миллион АҚШ долларидан зиёд калава-ип хорижга жўнатилди.

2007 йили мамлакатимиз иқтисодий байрами ара-сида Жалолқудуқ тумани-Ерқишлоқ номидаги қиш-қор "Алёртеқ" Ўзбекистон-Америка қўшма корхона-си фойдаланишга кириш-тилгач, 354 нафар хориж-та иш ўрни яратилди. Қўшма корхонага замонавий дастгоҳлар ўрнатилишида Миллий банкнинг Андижон бўлими орқали Хитой Тараққиёт



Ўзбекистон касабаси уюшмалари Федерацияси Кенгаши ҳузуридаги Курортлар бошқармаси жамоаси

юртдошларимизни Янги йил айёми билан самимий муборакбод этади. Мамлакатимиз аҳолисига сиҳат-саломатлик, ишларида ривож тилаб, жамики эзгу-ниятлари амалга ошишини истайди.

Қишлоқ тараққиёти ва фаровонлиги деб номланган 2009 йилда жамоамиз меҳнаткашларни ижтимоий ҳимоя қилиш йўлидаги фаолиятини янада кенгайтиришни ўз олдига мақсад қилиб қўйган. Халқимиз саломатлигини тиклаш борасида юртимизда амалга оширилаётган кенг кўламли ислохотларда иштирок этаётганлигимиздан ғоят мамнунмиз.

Ўзбекистон халқ артисти Муножат ЙЎЛЧИЕВА:

Кўшиқ – миллат дардининг малҳами

1. Ўтган 2008 йил ҳаётигизда қандай из қолдирди? Нималарга эришдингиз, орзу-армонлар дегандай...
2. Янги йил оstonасида сизни нималар (юртга, халққа, соҳангизга оид) ўйлантирапти?
3. Келажак яқин йилларда дунёни қандай тасаввур этасиз?



1. Ўтган 2008 йил ҳаётигизда унутилмас лаҳзаларни муҳрлади. ЮНЕСКО ҳамкорлигида Франциянинг Париж шаҳридаги нуфузли театрларидан бирида алоҳида концерт дастури намойиш этилди. 1 декабрда консерваторияда концерт бердим. Ҳозир янги кўшиқлар яратиш мақсадида шеърлар танлаб, бастакорлар билан янги ижодий мулоқотдаман. Энг асосийси, оилам, фарзандларим даврасидаман.

2. Кўшиқ – миллат дардининг малҳами, санъаткор эса кўзгуси бўлиши керак. Ўзбек миллий санъати хазинасида улғу санъаткорларимиздан мерос қолган бебаҳо кўшиқларимиз бисёр. Бу мумтоз куй-кўшиқлардан бугунги ёш авлод қай даражада баҳраманд бўлаётти? Санъатда улғу санъаткорларимиз чиққан чўққига миллий эстрада кўшиқларимиз билан ета олдикми ёки бугунги реп кўшиқларини эртанги авлод қандай қабул қиларкан, дея мулоҳазага бораман. Нима

бўлганда ҳам кўшиқ дилларга қувонч улашади. Санъатга ошуфта қалб ҳеч қачон ёмонликни билмайди. Назаримда, санъат оламига кириб келаётган ёшларни миллий санъатимиз руҳида тўғри тарбиялаш лозим. Кўпчилик мумтоз кўшиқларни куйлаш, эшитиш анча оғир деган фикрга боради. Кўпинча концертларимда халқимиз мумтоз кўшиқларни соғинганлигини, ташналигини кўриб кўнгли кўтарилади. Мана шундай саҳналарда кўшиқ айтсам, ўзим ҳам роҳатланаман. Мени қувонтирадиган нарса шуки, бугун кўшиқчилигимизда кўшиқнинг сўзи, муҳаббатига бўлган талаб анча кучайиб бормоқда. Кўшиқ куйи замонавий бўлса ҳам миллий йўлда ижро этилмоқда. Бундан чин маънода қувонимиз керак.

Менинг халқимизга тақдим этаётган концерт дастурларим ҳар доим жонли тарзда кечади. Шундан бўлса керак, муҳлисларим ижро этган кўшиқларимга алоҳида хурмат-эътибор билан қарашади. Бундан бошим кўкка етади, албатта. Аммо... баъзан янги кўшиқларимни халққа тақдим этиш учун қайсида санъат саройида концерт ўтказиш билет тарқатиш муаммолари мени ўйлантиради. Вақтимни олади, ижодимга ҳалақит беради. Бошланаётган янги йилда бу муаммолар санъатимиз мутасаддилар томонидан ечимини топса, нур устига аъло нур бўларди.

Кейин концертларда баланд микрофонда кўшиқ куйлаш томошабинларнинг меъдасига тегади. Францияда концерт берганимда микрофон фақат овоз ёзиш учунгина ишлатиларкан. Аслида яхши кўшиқ жонли овозда ижро этилса ҳам юракка етиб боради. Бу бир томондан кўшиқчининг маҳоратини оширса, иккинчи томондан санъатга бўлган чексиз хурмат белгиси ҳамдир. Буни ҳар бир санъаткор дилдан англашгани хоҳлардим.

3. Келажак йилларда олам яна обод бўлиб, одамлар онги янада юксалади. Кўшиқчиликда ҳам янги кўтарилиш босқичи бошланади. Томошабинлар диди ҳам юксалади. Ахборот асрида интернет тармоқлари дунёни эгаллаб олса-да, барибир миллий ўзбек мумтоз кўшиқлари санъатимизнинг гултожи бўлиб қолаверади. Санъатимиз дунёга чиқади. Бунга бугун ижодий имконият мавжуд.

Қизингизга совға қилинг

“Раҳмат, минг раҳмат”. Кўлимдаги “Сирдошим – қизим, эшит...” номли китобнинг охирги саҳифасини ҳам ўқиб тугатар эканман, тилимда фақат шу сўзлар айlandsи. Бутун миллат қизларини ўз жигаргўшасидай билиб, юракдан қуйилган бу тўпламни ўқиган ҳар бир китобхоннинг хаёлидан шундай фикр ўтиши шубҳасиз.

Муаллиф Бахтиёр Муҳаммадмин Абдураҳим ўғли бир неча фасллардан иборат бўлган асарида балоғат ёшидаги қизларнинг кўнглидаги нозик кечинмаларини дилдан ҳис қилиб, гоҳ уларни аяб, гоҳ аччиқ-аччиқ сўзлар билан, гоҳи эса оталарча эркалаб ҳаётдаги тўғри йўлни, миллат қизлари учун, муслима учун Ҳақ йўлини кўрсатишга уринади: “Она қизим, мен сени ҳеч нарса билан кўрқитмоқчи эмасман, унақа ноҳолис, ноҳоиз мақсад менда ҳеч қачон бўлмаган ва бўлмайди ҳам. Эндигина ёғиб турган оппоқ қорга ўхшаган, тоза оқ варақ сингари ҳаётинг ҳали олдинда турибди. Мудом тўғри йўлда бўлишингни, ҳеч қачон алданиб қолмаслигингни, қоқилиб кетмаслигингни Худодан сўрайман”.

Мутолаа давомида беихтиёр муаллифга ишона бошлайсиз. Содда ҳаётий далиллар билан исботланган фикрларга ишонмаслиқнинг ҳам иложи йўқ аслида.

Асарнинг “Катта рақамларда “савдо”лашамиз!” номли фаслида “Ҳар қандай аёлнинг бойлиги — жисму жони, иймони, ҳаёси” ҳақидаги фикрларнинг давоми сифатида куйидагилар айб ўтилган: “Дунёда тақрибан 2 миллиард нафар аёл ва 1,8 миллиард нафар эр-йигит оила қуриб, фарзанд кўриш қобилиятига эга. Уйидан кўчага чиқаётган аёл ёки қиз бола “Мен ҳаммага чиройли кўринишим керак, мен ҳаммадан гўзал бўлишим керак, одамлар менга қараб ажабланиб қолишсин, мен энг сўнгги модада кийиняман, пардоз андозим ҳам ҳавас

қилгулик даражада” деган фикрни ҳеч қачон қилмасин, чунки бундай даъво қилиш дуруст эмас. Гапларимдан ранжиб кетмасанми? Шошилиб фикрлама. Аёл киши учун қариндошлар ва яқинлар бутун дунёдаги 1,8 миллиард эркак ичида бор-йўғи 15-20 ёки 25 нафарни ташкил этиши мумкин. Балки кўпроқ бўлиши ҳам мумкин, лекин бу рақамлар 1,8 миллиарднинг ичида жуда ҳам арзимас сон эканлиги аниқ. Демак, қиз бола ўзининг шаънини сақлаб қолиши учун шунча эркаклар жамоасидан ўзини имкон қадар узоқда тутишининг иложини кидириши ва шундай қилиши лозим. Келиб чиқадикки, кўчада юрган аёл ёки қиз ўзининг зарур ишени битириб, муддаосига эришгач, “худа-беҳуда юравермай, тезликда уйига қайтиши соғлом фикрли аёлларга лозим бўлади”.

Китобда айрим баҳсли фикрлар ҳам йўқ эмас, аммо айни пайтдаги турли тало-тўпларга бой замонда ўз қизининг миллат қизига хос ибоду ифрат билан камол топишини истаган ота-оналар, “Номусимсан синглим” дейдиган гурури баланд акалар, қолаверса суюқлисининг мудом тўғри йўлда бўлишини хоҳловчи эр-йигитлар учун бу китоб айни муддаодир, десам ёлғон бўлмас. Зотан, оқила қиз учун зарур бўлган барча панд-насихатлар самимий, дўстона руҳда баён этилгани китобнинг янада ўқишли бўлишига сабаб бўлган.

Асарга сўз боши ёзган Ўзбекистон халқ ёзувчиси Тоҳир Малик “Ҳатто беҳаёлик кўчасига яқинлашиб қолган қиз ҳам унга бегона эмас. Халқимизнинг гўзал лутфларидан фойдаланиб, “қизим” деб мурожаат этади. Ўша одоб-



сиз қизни яхшилик гулзорига тортишга уринади”, дейди. Ҳақ гап. Муаллиф жамиятдаги барча қизларни (гўзал хулқларни ҳам, Ҳақ йўлидан адашши арафасида турганларни ҳам) ўз қизидай кўради. Юрагининг бир бурчида “бахтсиз қизлари”нинг кўз ёши ҳам бор. Зотан, таниқли файласуфлардан бири айтганидек, “Агар қаердир битта қиз алданиб, бахтсиз бўлиб қолса, ўша жамият аъзолари ўзларининг инсонийлик бурчига доғ туширган бўлади”.

Тўғриси айтсам, камдан-кам ҳолатда бирор китобни дўстларимга тавсия қиламан. Тан олиш керак, бугун чоп этилаётган нашрларнинг ҳаммасини ҳам ўқиб, раҳмат дея олмайсан киши. Бир дўстим бу китобни совға қилганида ҳам эринибгина варақлашни бошлаган эдим. Аммо мутолаа жараёнида Фарбга тақлид ва одам савдоси каби иллатлар кучайиб бораётган даврнинг қизлари учун бу жуда зарур қўлланма эканлигига ишонч ҳосил қилдим. Бу асар юртимиздаги ҳар бир хонадон кутубхонасидан жой эгалласа фойдалан холи бўлмаслигини ҳисобга олиб уни кўпроқ нусхада қайта нашр этилса айни муддао бўларди. Зотан, миллат учун қилинадиган бундай хайрли ишларнинг савоби ҳам улғурди.

Ситора ШАМСИДДИН қизи



«БОҒОТДОН»

очиқ турдаги акциядорлик жамияти жамоаси

халқимизни Янги йил айёми билан табриклайди.

2009 йил — Қишлоқ тараққиёти ва фаровонлиги йилида




жонажон
Ўзбекистонимиз янада гуллаб-яшнасин, ҳар бир хонадонга тўкин-сочинлик, қут-барака ёр бўлсин.
Сиз азишларга сиҳат-саломатлик, омад, бахт-саодат тилаймиз.

ТАДҚИҚОТ

Қутидор нима дегани?

Олимларнинг ҳисоблашича, тилимиздаги сўзлар миқдори 120 мингдан ортиқ экан. Албатта, барча сўзларни изоҳли ва имло лугатларда тўла қамраб олишининг имкони йўқ. Чунки халқ шеваларида узоқ ва яқин тарихий воқеликни акс эттирган сўзлар гуруҳи ҳам мавжуд. Улар халқ нутқида йўқ ҳисобида, лекин тарихий, бадий ва бошқа тур асарларда ўтмишининг инъикоси сифатида қўлланилади. Ана шундай сўзлардан бири қутидор калимасидир.

Илмий грамматика ва дарсликларда қутидор сўзига таъриф-таъсиф берилмаган. Ҳўш, илмий, таълимий шарҳловлардан холи бўлган қутидор сўзининг маъноси қандай ва у қайси тилга мансуб?

Маълумки, қути — ўзбекча сўз. Тахта, чўп, ёғоч ёки шунга ўхшаш нарсалардан тайёрланиб, ичига қаттиқ, қимматбаҳо нарсалар солинадиган, қулф-калитли, сандиксимон идиш қути дейилади. Ана шу сўзга форс-тожикча — дор қўшимчаси қўшилса қутидор — қутиси бор (одам) сўзи ясалади. Аммо даврлар ўтиши билан бу сўзининг маъноси ўзгариб, — бойлик эгаси, катта сармоёга эга бўлган киши маъносига қўлланилган.

Ўзбек адабиётининг улкан ёзувчиси, Ўзбек романчилигининг асосчиси Абдулла Қодирий ҳам қутидор сўзидан “Ўткан кунлар” романида унумли фойдаланади. Қутидор асарнинг бош қаҳрамонларидан бири бўлган Қумушнинг отаси — Мирзақарим исмли кишининг лақаби. Мирзақарим истилоҳига тўхталадиган бўлсак, мирза арабча сўз бўлиб — маъмуриятда ёзувчи ишларини олиб борган лавозимли киши, саводли, ўқимишли одам деган маъноларни англатади. Қарим сўзининг маъноси эса — сахий, мурувватли, ҳимматли деганидир. Ана шу икки сўзга юкланган маънолар мужассамидан Мирзақарим исми яралган. Бу исмига қутидор лақабининг қўшилиши билан унинг фаолияти, жамиятдаги макъам, Марғилон, Тошкент ва унга яқин шаҳарларда, вилоятларда савдога дахлдор иш ва юмушларни бажариши англашилади.

Мухтасар қилиб айтганда, XIX асрда қутидор Қўқон хонлигида халқдан, бозордан ва бошқа тадбирлардан олиннадиган солиқларни, тўплаган нарсаларни йиғиб оладиган, қутисида сақлайдиган ва хон хазинасига топширадиган сарой амалдори, шунингдек, пулларини ижарага бериб, даромадини кўпайтирувчи сарроф ҳисобланган. Ҳозирги давр иқтисодиёти аталари билан айтганда эса, қутидор банкчи, банк эгаси деган сўзларнинг маъносига яқин.

Тўра НАҒАСОВ,
Қарши давлат университети профессори.

